

錢文敏公全集

茶山詩鈔卷之五

武進錢維城稼軒著

子中銑 中銑

已卯

立春日詠蔣文肅公畫牛

高齋見雙牛尺幅表殊致範土舊送寒成圖新啓例情

緣問喘殷興以考收寄夙推真蹟五

公摹韓晉公五牛圖今藏春耦軒

繼賞妙繪二呼牛出毫端角力透紙背富準千頭誇工

極一毛細形非問奴得聲竟徹盜似神來應麾肱勢轉

滯牽鼻疑逢望月影想見飲池際虛窗窺星精短軸驗

地利斜陽忽迴照橫笛恍清吹朝烟隴頭輕淺草隄外
翠稔知載豎還動欲引犢戲誰通口中言寧隱腹內字
羈金曾託諷披繡亦罕譬海棠價空高牡丹名特異擅
場戴嵩能標奇董道備寢訛關物情點染重農事海客
漫乘楂關尹早望氣木傳諸葛謀火憶田單計合作桃
林看春來息烽燧

題周仿齋小像

宦況清何許芙蓉一沼花閒持白羽扇來酌故山茶吏
牘休堆案州官只放衙還如六橋外翹首弄晴霞

題沈巨瞻永慕圖

陟山望浮雲遊子涕漣漣而何況日月逝去去不可追天

風時飄颻樹木無寧枝自古抱恨人死耳夫何辭沈子
秉至性菽水傷無資絕裾非得已負米良同之豈意一
朝別坐使五鼎虧泣血復何益血亦母所遺椎心更何
言心枯已如施還將斑斑淚寫此寸寸思生且不可見
寫之將奚爲庶幾夢醒後復有見面時誰云一尺絹不
止千丈絲生死同此恨哀哀兩無期人生不百年富貴
不可知忍以不可知易此無窮悲請觀永慕圖何如夢
莪詩

奉使江西出都日作

十五年前早棄繻得來乘傳此行初驪黃有價寧空冀
面目無真况識廬水到九江流始大星橫雙劍氣非虛

却欣三載高堂別

恩許還家一起居

見道旁禾黍甚茂喜作

亢陽逾南郊天意果於旱

聖人秉至誠呼吸見旋轉滂沱遂連日氛沴清若澣
早秋出國門禾黍綠已滿村村雜歌笑餅餌紛在眼
民情安固然服德無愧赧城中開天庾賑助猶未緩
虫虫爾何知容易成飽暖

積流

時過新城縣

積流吞平衢羣木若倒出我來迷前途走馬上危筏
盲風東北來濁浪與俱發不有衆力爭百里去舍猝
平生

慣波浪頗亦神怵慄未知歸海尊已盡遠目淵驅車者
誰子挾策走金闕欲濟無津梁愁目手一帙飛騰且有
命先苦墜泥窟高雲易飄揚獨鳥倦超越對此增慙然
初心忍汨沒

任邱縣

我行任邱縣頓覺行路好泥乾少顛躓馬足亦輕蹻頗
疑民氣闇共訴膏澤少插秧雖已多結穠日就槁前朝
過涿鹿夾路秀梁稻豈意百里間造物判殊巧縣尹塵
土來齋沐方虔禱具言民艱難農事非草草六月纔布
種田功已不早典衣傭力作男女盡耘耰夏秋五十日
縱雨亦微小已空室中財徒得眼中飽豐隆遂終卧家

室恐難保我聞心惺然歎息視天表廻幹當有神盈虛
亦天道宵來起微陰竟失衣上燥庶幾雨濛濛勿復日
杲杲凌晨登前途泥滑任馬倒

奉酬翁覃溪編修旅舍夜話見贈之作

風雅道何如長吟意寥廓秋風動天宇微尙欣有託夫
子金玉相經籍富藜閣輶車得接軫旅話燈花落開我
茅塞胸示我夜涼作心清水晶壺耳靜霜臯鶴文章信
小道末路轉衰薄一瓣杜陵香於公有倚著先民開混
沌不禁後人鑿雲泉費逶迤往往得幽壑山川有精氣
花鳥徒薄弱三復誦鴻篇珍重無上藥階前啼蜚蜚毋
乃客不樂

秋雲

秋雲輕聚散晴雨不自主
霏霏勢旋來杲杲光復吐
明暗判遙原乾濕分寸土
乍涼欲添衣揮汗忽酷暑
征夫劇愁悶僕隸尤茶苦
陰陽調冰炭橐籥究誰鼓
吾何罪真宰人事畧可覩

東阿雨中山行

山深雨不止官行有常程
侵曉衝雨出山山一雲平
崖石半空落澗水當衝橫
我馬已欹倒輿夫強爬爭
自顧兩足在胡爲一身輕
先王驅物力乘服各有經
不知誰作傭役此蚩蚩勞
心亦強言養逸安所營
騎我羸馬行轉免銜檟驚

過東平州有懷李海門同年

故人昔牧東平州琴音四野花陰稠
看山挂笏忽一笑三年歸卧梁溪頭
亥秋請急曾過此出郊把臂顏色喜
登堂已見羅杯盤玉立階前四驥子
情投何必禮數多傾壘倒榼真知己
平生所惜在人情百年榮落浮雲輕
谿堂寂寞文酒會鄆州谿堂在城南
鳳臺繁燈無復明鳳凰臺亦在城南
南相傳舊有鳳鳴于此今來擲免三太息
牛女筵空忘海門于前歲張燈其上
佳節時七月七日低頭茅屋坐三更
明早衝泥向誰別

孟子廟

頽波日東流吾道危一綫夫子挽衰運
仁義灼霄漢唐虞一几杖姬孔同契券
荒哉七國君率獸爭大願華屋

抵掌談處士頻相戰禍先秦人火六籍已焚亂不有秦
山尊寧解衆目眩千尋標建木萬古削斷岸肅肅廟貌
新禮樂燦然見

望嶧山

嶧山萬古秀矯若青鸞翔蹟以大賢重豈惟山骨蒼孟
林坐東麓萬樹爭扶將枝柯悉相向地氣中回皇停車
愛薄晴嵐色森秋霜信知巖巖勢遙接泰岱長

韓莊牘

幾度韓莊聞波流此日清黃河無橫溢白舫可安行湖
外晴山出隄邊秋草生昔年拋纜處依約舊痕平

微山湖歌

前年放舸珠梅閣，微山湖水如急峽。今年走馬伊家橋，
在伊家河以泥雨荆。微山湖水如堂坳，薄雲穿日射淺
山橋不可行，經此。泚飄雨浥塊，滋秋苗。道旁老翁見我起，手指新隄色先
喜。使君向見此隄無。

朝廷爲我拯顛圯，自從河水決銅山。千村萬落流潺潺，
此隄一築百無事。狂瀾不倒安如山，從前男婦撈魚蝦。
如今男婦勤禾麻，從前有子赤兩腳。如今有子上小學，
君不見苔痕隱隱沒半扉。扉前數畝今菜畦，老翁飽飯
睡且嬉。閒看牧豕還驅雞，使君且慢走。暫去復來否？茅
屋料量何所有？家家釀得幾斛酒。不如寬坐喫一斗，朴
率勿嫌村野醜。

雨後地藏菴小憩

千里泥翻轍茅菴憩偶晴入門風掃竹繞砌溜鳴箏野
草銜危石濃雲速去旌攀條重戀戀庭樹有鄉情

庭樹數種

皆京師所無蓋初入江南境云

築北隄

黃河水天上來雷劈大石龍門開龍門東來一千里彭
城高城在地底南隄萬丈鐵不如北隄不築平如砥前
人深謀論不已

帝乘四載來親巡崑崙火敦指掌紋

淵謀獨運扶厚堃天吳鞭石排石根斐礎百萬春雲屯
宣房瓠子何足云北隄成南口塞蛟龍束縛怒不得泥

沙滾滾改窟宅東流直刷雲梯關河身歲深二百尺崇
垣夾岸豎屹屹君不見蘇家山外微山湖百年巨浸今
膏腴青青滿眼非菰蒲淘河側翅隨鴉鵲攔街拍手笑
且呼

雲龍山

泥雨兼旬困開懷忽此山大河橫落日平野鎖雄關玉
局風流在茅岡詩酒間夜深吹火去歸鶴笑人閒

苻離懷古

魏公仗節戰苻離十萬熊羆散一時淮水蟲沙當日淚
嵇山風鶴至今悲中興有志灰英主和議終成痛義師
三字長城先自壞岳家旗勝曲端旗

淝水懷古

八公草木亦旌旗休道秦人百萬師半渡無端麾却陣
全軍只似賭圍碁天教墜騎偏良將客對飛書是小兒
地下可憐王景畧關中已老蘇容垂

過臨淮廢邑

漢代鍾離郡何年一水平斷雲樓萬井駭浪走重城鷗
鷺居然宅龍蛇倘可爭不聞遷耿日高枕待河清

偶憩

虛館延初旭長淮動北窗度橋疑蜀棧隱几過吳艘問
俗民仍集遄征烏共雙塵襟茲一洗已似吸西江

濠梁

今日濠梁上秋風感客思卽看青草遠豈是白鷗期釣
艇終何所征鞍各有之人生逐羣動不必惠莊知

濠上懷古

漢祖高歌後濠梁復大風跡猶殊泗上業不必關中異
姓安能王文孫且未終惟應勝諸呂產祿得稱雄

無月

半月長途望何曾見月明豈愁添客夢未忍照人行砧
杵良多怨蛩蛩且善鳴從來折楊柳不入每懷情

定遠山行見田間蓄水有法禾黍暢茂卽事述懷
山田上下如劃基十步五步溝通池農家婦子水爲命
蓄積升斗同金貲節宣啓閉重分寸兼察地勢分高卑

自然服習等卧起非有智巧誇神奇氣疎每致風雨好
澤潤并得瀉札稀揚州厭土惟塗泥田實下下經所咀
溝渠未失古遺意東南財賦天下推北方惰農亦鋤犁
禾生滿野無町畦關門枕肘問晴雨磬磬開口憑天時
禹勤畎澮首交冀誰其隳者不可稽遐哉衛李安所責
荆吳亦豈當年基屢煩

明詔拯瘡痍亦有使者紛驅馳奉行豈必盡不善事等
創造驚愚黎中丞崔公

紀

昔分陝下令鑿井民猶咨於

今稍稍食舊德樂成圖始理則岐况今屯種踰安西輪
臺蒲海咸得治遂人瀦舍職不講奚取百萬供軍資安
得九扈官農師赤墳白壤澤畢陂游談莫問是與非泥

池汨汨禾離離男耕女饁不敢嬉三錢斗米何足希

見穫稻者

晚禾尙青青早禾已堪穫婦子各腰鎌割雲雲瀉露紛
披乍盈把狼籍遂委路橋邊驅車來籬外荷擔去滯穗
何足收崇墉信無數翩翩羣飛鴻矯矯雙白鷺飲啄下
田間童稚狎不怖乃知豐年樂禽鳥亦得預南來足好
語愛賞每薄暮况有景怡人遙村帶紅樹

遙村

遙村散平原落落如晨星黃雲千頃萬頃平家家聞得
打稻聲十口弊一溢豐年惜不得門前自京抵甌內猶
糠覈終歲苦遭泥土汚輸租常怕官長怒君不見城中

炊玉千萬家生平不踏村中路

廬州道中偶作

軒車

名山

山自峻多智

名泉

水空寒鈍每看書易官無行路

難居諸人所賤名實世寧寬八十今過半何由夢寐安

舒城旅次作

王安石通判舒州以文彥博薦召入

宋業隳神宗安石實首亂時真寬法網天未快窮竄如

何學士口臧否尙相半賢奸無首鼠少正尸兩觀文章

工何爲斯高亦篇翰

趙高有援歷篇

餘毒乃紹述安足誅京貫

點火熾廣原百物遂焦爛詎憤攸灼威而忘星星炭理

亂非一軌財用司其券不聞治成康囂然起嗟怨大臣

操國紀得主患不斷忍傷天下心矜已伸一見前朝紛

礦稅神廟惑寺宦藍袍翻御床思陵可勝歎

山村

四圍山色接遙原一簇濃陰便一村碧水平隄纔有路

黃雲鋪地不留門兒童繞岸搜蝦子

魚蝦子着岸鵝鴨
即爲蝗蚰

穿畦啄稻孫隨處停輿相勞問野人休訝使車尊

晚晴

北風吹雨過前山又見平原日色斑雲引村烟斜不斷
岸疏畦水去能還白鷗暫下魚兒得黃犢羣遊稚子閒
榭葉菱花紛刺眼鄉心却在有無間

黃泥坎

青竹黃茅便結鄰蒨花溝草也當春掉頭村犬鳴驚馬

赤脚農妻貌類人雲水不殊他日好關山漸覺故鄉親
江南絲粟來辛苦愧坐高軒作使臣

見男婦作苦田間殆非人理自歎科名倖致艱苦
未嘗因與覃溪編修談及祖宗食貧力學積有淵
源食報已奢後將不繼蹙然有作

本自田間有此身輕肥今作五陵人半生絲粟尋常看
竊恐兒曹不會貧

桃城

舒城縣北三十里繁盛過於縣城其名無可攷稍南爲北渚有額曰人在鏡中

五里桃城路烟花夾岸多秋風吹北渚日夕起微波巷
有周郎曲人傳小吏歌塵沙騎馬客自笑鏡中過

舒城縣

同年姜玉田曾宰此縣有春秋山形如卧龍李伯時讀書處亦名龍眠山

山翠落龍眠孤城起畫烟風辭昨夜雨雲作去聲早涼天

香稻千村熟清池一邑傳關心詢舊尹此地有名賢文翁

舒城人

廬州覽古

西風白弔周郎墓明月長懸鮑照臺詞客千秋多抱恨
美人絕代始憐才頻經吳楚揮戈地總把詩書付酒杯
澗草巖花曾不管年年搖落又重開

過梅心駟山行十餘里始曙

殘夢繞清氣迴然身入雲鳥聲多在水石勢不依垠暗
欲窺泉眼幽疑見鹿羣人家烟半嶺風處曉纔分

白沙嶺

與人言長松
恐人信然

白日白沙嶺高松暗欲曛氣涵前代雨聲逆隔山雲霜
雪何由解陰陽不自分祇疑龍虎窟魑魅阻人羣

桐城縣

馬首秋雲濶山城白日斜邑深蟠古木江遠帶浮沙祠
卽高賢宅

龍眠山人

坊猶故相家後來臨眺意空巷落寒花

旅店中盆蘭

下馬臭先接幽蘭在西軒相逢如有素坐久竟無言爲
想馨香質寧忘采掇煩吾猶存此懷不獨避卑喧

桐城山中曉行

山行愛侵曉松露滴人衣晴旭澹空翠虛嵐澄素暉村
烟看始上谷鳥試初飛及此諧清曠何妨暮色微

竹籜

沙河水淺舟不勝結籜以竹纏以藤攝衣直上蜻蛚翅
舉足似踏編麻晷急流活活不在下白石素沙若相研
回頭未覺說法輕策馬何殊亂流怕桐君之溪綠珠步
夜火晨烟常喚渡灘聲不斷鷺鷥飛十五年來一回顧

過桐城一百八十里却寄龍眠山

名山如好友千里勞相思我未識龍眠胸有龍眠詩茲
行宿皖城咫尺愆佳期嵐光負虛佇塵慮乖新知神交
亦何爲覲面乃失之昨過白沙嶺今度楓香陂川原多
窈窕草木紛華滋幽人信絕代妾媵神仙姿回眸緬空
碧搔首寄此辭山意倘相會前身吾伯時

楓香舖

亭午楓香舖流連境絕塵好山低映樹曲澗響隨人頗
愛村居靜無煩堠吏頻從來平遠趣樂意最相親

登楓香驛樓

江漢浮南紀荆吳接上流客懷開廣野秋色滿高樓宿
昔餘長嘯平生此壯遊憑欄笑鴻雁踟促稻粱謀

將次黃州懷胡牧亭二首

牧亭以修
誌節此

新詩五十首獨作意何如聞道黃州客窮愁且著書三
年同寂寞百里阻舟車無賴沙頭雁行行鳴向予
古意久牢落斯人復退閒龍蛇迷大澤虎豹守重關
海方難得昧姑鬢易斑空將竹枝淚悵望楚南山

宿黃梅縣寄懷端木刺史兼簡張蕁湖別駕
剖竹楚江遠經年注目勤如何今夜月仍隔萬重雲別
駕才超俗同袍誼出羣臨臯寬氣象詩酒與誰分

夜坐讀杜詩

一語關天地人謀豈與能江河無日盡霄漢有誰登山
氣通寒幙秋心入夜燈吾憐浣花老永夕寸情凝

驛夫謠

百里縣一城五十里一驛雞鳴起行到昏黑長路浩浩
望不極人行日一城馬行日一驛馬有更番人不息人
是民家人馬是官家物上官來點驛下吏抱簿籍人無
名馬有額馬肥不賞瘦有責

新蔡行

深山老蛟發何日百萬田禾口邊奪古木連根拔數圍
泥垣茅舍何由脫空原彌望無炊烟時有鵠面啼田邊
黃牛不收黑鴉喜西風汨汨聞腥涎屋倒猶可豎田荒
已無補不惜泥中萬頃禾但恨禾頭三尺土禾頭尺土
皆浮沙明年不種還無家

渡潯陽江

楚山雲斷九江開伐鼓揚舲亦壯哉鴻雁天高秋色遠
魚龍水落晚潮回五峯影外推蓬坐萬里流邊洗眼來
到此襟期真浩蕩乾坤何處著塵埃

江州夜宿

江聲暗動潯陽郭
星影深涵舒嘯臺
虛館無人秋萬里
霜鐘敲入枕邊來

望廬山二首

奇秀天所惜
靈蹤闕人寰
不知太白後
誰到銀河間
影入霄漢盡
風吹瀑泉還
從來隔雲霧
豈獨嗟緣慳
搔首問匡廬
青天杳難期
神仙去飄忽
風雨來無時
秋色落諸嶺
浮雲暮何之
空餘東林鐘
永結塵外思

曉上東嶺却望九江城

初旭上東嶺
秋風散鬱陶
雲中九派盡
天外五峯高
城郭自清曉
烟霞豈經袍
不觀庾亮月
千騎擁旌旄

憩東林讀陽明先生題壁詩卽用其韻

江城昨夜夢瑤草我與廬峯色同好浮生不聽東林鐘
多少紅顏道旁老松濤出澗聲何哀天風莫掃浮雲開
銀河千丈不可到明月萬古誰當來先生此處曾搔首
肯把功名抵詩酒神仙不在塵埃中轉恐青山有時朽
我來無意尋黃庭三山水淺沙連汀乘風更欲向何處
真有匡續長眉青

懷開先寺

清風從何來恐到飛泉去借問雙峯間白雲幾多路

宿通遠驛

盡日繞廬阜雲回態不同看山宜面面行路莫匆匆

遠公

遠公不好靜結屋廬山陰微徑下東嶺烟氣逼香林當時白社遊頗預知名心千載虎溪月過客來沉吟須知橋下水未是無弦琴遐哉上霄峯雲霧何其深

讀廬山詩二首

風雲頓無色天地亦何情底事康衢濶艱難過一生賦性本幽獨榮枯又何求漫將窮苦味更贈後人愁

通遠驛曉行

一夜秋風作雨聲曉來注目枉含情香鑪峯頂雲無賴不遣廬山送我行

渡泗溪至一杯泉亭小憩

日午客行倦溪流清我心來從青嶂曲去盡白雲深

折凡幾渡沿洄遂出林茶亭泉味好小殿惜餘陰

德安山行

林深村隱見谷轉澗廻環物象寬多忝吟情駐遠山紅
菱牽水帶烏柏點霜顏幽徑教停騎皇華一晌閒

登觀音閣

崖懸高閣險石勢普陀巖鳥語隔溪應神功何代剡山
門仍斷岸幢影復飛帆自愜幽竒趣非關初地嚴

一杯泉亭見曹戴山題柱句有懷

爲問王喬鳥何年去此間琴聲知未遠溪水到今閒一
勺如相對高吟況可攀明朝掃烟霧把臂定開顏

廬山雜咏九首

有序

驛道所經出廬山之背瞻懷名勝覲面如遺聊
作數咏以託幽興亦孫興公賦天台之意云爾
七月二十九日至德安息馬早書此

五老峯

碧空眇無極五老最上頭自非乘白鶴焉能一來遊鬚
髮自太古人間歲如流青蓮非仙才芝草未得求身世
掩明鏡仰愧秋雲浮

紫霄峯

夙傳禹碑古乃在紫霄峯石室鎖雲霧不與塵凡通恐
是平成書謁帝告成功斯事亦寥濶誰能問高穹宛委
守神怪山經眩愚庸還聞七十代金泥白雲封人間空

文章天聽不可蒙奇情聊此寄何必窮始終

香鑪峯

萬古一烟氣香鑪日夕吹遂令匡俗君真面於今疑詩
人挂席來千里勞相思不知潯陽郭停舟意何爲雲霧
遠晦冥六朝杳難期從來幽絕趣多在縹緲時接要已
心賞竹杖何嫌遲

青牛谷

神仙來無蹤靈境每相借我欲把雲衣已在風雨下側
聞石丁邃浮雲出其罅幽奇必在眼登頓吾敢謝青牛
倘可從白鳳庶能駕

讀書臺

仙人負雙劍矯矯倚天宇背上兩白龍飛作開先雨昭
明秉慧業孔翠集元圃秋月照高臺文章落何許我心
一片石雪色映太古欲寄曠代愁泉鳴不得語

瀑布泉

我有萬斛泉欲向山頭挂明月竟來遲清風已先駕迢
迢謫仙子虛步躡天界酒酣喝銀河列宿俱倒瀉丹崖
盟則寒白虹復誰跨遠盼晴雪飛甘從下風拜

三石梁

石梁跨青空萬古無人行老人坐琪樹招我談長生甘
露在見貽青雲恐無情玉房信窈窕金闕方崢嶸人生
有金石何必十二城舉手謝高躅嗒然遊太清

白鶴觀

花院閉松風棋聲靜清晝從來絃外響不在指邊奏峯
頭白鶴觀第一標奇秀空際有清辭壇前自靈寶我來
已千載悟在東坡後欲証風旛禪微雲隔遙岫

三峽橋

匡君厭遠遊移得瞿塘石一昔雲雨空靈旗澹無迹烟
中九江水忽到幽人宅秋濤何處飛橋下滌瀨窄至今
絕壁雲猶帶蜀江碧開先有漱玉三妙可兼得何時杖
策來坐對古月白

聞曹戴山平瑤海俱以入闡奉調快聚不遠喜溢
於辭

浮雲分袂潤明月倚懷空不道三年別都來此處同松
門秋落木湓浦夜翻風兩日先烏鵲佳音慰轉蓬

咏瓶中桂花

八月朔日

南國繁金粟西風宜玉堂纔生今夜月已散滿城香蕙
草情何遠初入江南境于旅次見盆蘭甚茂槐花意共忙一枝曾手折
畱眼此秋光

微雨發建昌

清漏何曾枕簟寒曉行但覺勢漫漫風從落葉聲中聽
雨隔飛鴻影外看霖霖想添農事好霑濡未怕客途難
偶來楊柳津邊過仍以板頭露未乾

渡楊柳津題白香山喚渡亭

野渡荒亭白傅畱千秋蹤蹟一扁舟
溪邊楊柳誰人問江上琵琶有客遊
詩酒已空餘岸草烟波無盡幾沙鷗
才人從古多淪落何處青衫不淚流

雨中過三下渡

急雨忽飛三下渡荒村已亂午時雞
天低平野雲連樹水散高原路接溪
彭蠡浪高聽自微雲居峯近望猶迷
建昌城外鐘聲隱依約行程過日西

咏輿中桂花

肩輿一路膏騰去丹桂還從夢後香
多少金錢窗下卜主司手裏問秋光

入新建縣境

雨外分新建烟中別壽樟劇嫌山氣濕稍愛礪風涼屈
指程初到回頭日已長明朝看新月秋思滿南昌

過樂化二十里山行遙見章江

沙際秋帆影隨風出樹間始知蒼翠盡江外已無山高
鳥飄然去晴雲且未還客程應暫緩舒豁寸情閒

石頭渡

江流十里外到此忽無聞斗下千尺坂平開一片雲茅
菴聊結構沙地漫耕耘見說西山雪春融岸不分

投書渚二首

客心江上分南北沙雁多情枉向予自有照人千里月
不教殷羨又投書

不作書郵問水濱
塵區猶自往還頻
浮沉一任東流去
只恐雙魚解笑人

渡章江

已自潯陽渡還從章貢過
鷗邊辨帆影扇底見江波
水落秋原濶城深晝霧多
寬心駐行李擊楫罷長歌

喜達南昌

春明門外武陽邊
纔上輶車已眼前
時序無多猶一月
關河不盡且三千
贛江直下吳雲遠
塞雁遙來朔樹連
是處關情應計日
早知翹首豫章天

秋色

秋分日作

秋色平分夜虛櫓
獨倚時漏深還自省
天遠與誰期
霄

漢有今夕雲烟非素思試將塵外眼一傍斗牛窺

望滕王閣

江上滕王閣名驚識字初少年才若此都督意何如神
鬼焉能助風雲自有餘今來傾倒地憑弔願猶虛

南昌館舍始與覃溪分寓夜坐奉懷

一夕何言別聯吟况未難無如遙夜漏已是獨憑欄露
氣通幽草檐花隱宿翰因知楚蘭詠不必路漫漫

南昌秋興

西山斜對豫章城一片秋風落葉聲牛斗氣寒雙劍出
荆吳地坼九江橫寥空晴帶飛鴻影涼露宵涵潦水清
懷古莫登高閣望從來歌舞不關情

新月

簾外如鉤月無雲也自明猶餘樓上望三度見君情

初五夜見月懷平瑤海二首

剎那已屆三年別咫尺仍勞千里思明夜一彎還到眼
不知可是見君時

涼風已見催秋去碧漢何當待客還不信一鉤楊柳月

此詩只合老途間

一鉤楊柳外彷彿上弦初
瑤海館課作予絕愛之

入闈赴宴卽席得句

江國風雲壯清時禮樂光歐曾來著作翼軫貯精芒秋
日當杯迴晴花滿座香早知雙劍氣北斗近文昌

題奎宿堂二首

年少封侯客都忘百戰場塵沙來廣武雷雨憶昆陽色
變猶談虎津迷更望洋呼聲聞壁上心怯陣雲黃
坐使英雄老三年一選場不緣偏雨露也復走風霜莫
羨冲霄去長懷鍛羽傷初心無可負惟有厚顏將

賦得秋水長天一色

得天字五言八韻

樓頭全見水檻外竟橫天色到琉璃界秋生葭莢前雲
霞原類影島嶼總浮烟一碧涵霜淨雙清對鏡圓氣非
綠雨台痕不許山連雁帶荒汀沒帆將落葉懸便應凌
浩渺寧獨詠滌鮮共約乘槎去相期霄漢邊

賦得秋水長天一色聯句

得天字

一色秋無際蒼蒼水卽天遙峯渾不隔山茶碧落巧相緣

極目長汀濶

溪翁覃

憑虛大幕連暗迷三里霧

平瑞海

晴擊

半篙烟曉日來何處

山茶

澄瀾坐渺然雲衣鋪練淨

覃

虹

卷蕙紋鮮湧髻都浮黛

海瑞

含胎或吐蠟玻璃涵下上

山茶

蔥蒨徹中邊試倩龍梭織

溪覃

從教雁齒穿交光菱寫鏡

海瑞

台魄桂離弦荻岸聊飛白

山茶

滄洲對草元俯吞平綠

盡

溪覃

高挹太清聯曳帛拏鴻爪

海瑞

書空壁鷺拳舟同春

泛杜

山茶

槎擬渚乘騫萬頃微藍抹

溪覃

重霄淺絳舉星搖

漁火靜

海瑞

浪蹴露珠圓曙景通鮫幔

山茶

寒芒射斗躔冲

虛原兩映

溪覃

島嶼忽孤懸互疊鱗鱗翠

海瑞

均指薄薄鉛

豈須從地轉

山茶

未肯借山牽風動涼漪縐

溪覃

霜融素宇

妍落楓斜照外

海瑞

疎雨暮帆前笛裏瀟湘遠

山茶

林梢夢

澤偏溟濛生斷靄

潭溪

決泝滙羣川去鳥衝波沒

海瑞

何人

御氣還線痕圍四野

山茶

簾影捲當年排蕩穹旻霽

潭溪

糊道里綿吟情勞俯仰

海瑞

醉眼失便旋今古蒼茫在

山茶

乾坤氣概全閣中雙勝得

潭溪

江表大名專麗矚廻千里

海瑞

精思達九淵誰爲後來者欲把畫圖傳

山茶

詠試題版聯句

限八齊

郢斧斲丹梯奎文發棗梨風簷按萬手

山茶

蒔榜唱三題

午夜鈔胥集

翁覃溪

秋廳厠氏齊豫章裁錦片

曹戴

星斗

落金閨棘刺分行小

海平瑞

螢囊簇案低破空飛斷雁

山茶

接影宿連雞借得雕蟲巧

潭溪

寧來刻鶴詆霏霏飄玉屑

山茶

戴

穎穎印銀泥孰敢鉛刀試

海瑞

吾將冰鑑攜指揮成聚

米

山茶

扶摘付探驪獺祭都登俎

潭溪

鴻舉侍照蓼衣仍無

縫綴

戴山

樹有不言蹊箏擺參差柱

海瑞

犁開屈曲畦棋枰

交角道

山茶

草徑別生黃倒薤芒排素

潭溪

懸針帚蘸熬鷹

筋盤刻露

戴山

蚓竅補離迷鐘紐同蟠篆

海瑞

桐符訝剪圭

居然羅列宿

山茶

那用刮仙篴細目紛提槩

潭溪

長箋宛曳

綈真如叅一月

戴山

消息候重緹遙逗春蠶緒

海瑞

寒禁戰

馬嘶擎先千佛重

山茶

押喚五魁批模範文章出

潭溪

摩挲

典故稽他年輝簡策共此兆端倪

戴山

詠木芙蓉

時試事將畢

鏡裏相看一笑嫣獨攜明月照嬋娟江頭辜負秋風意

楚客由來木末擘

出關後得闕邸抄喜回民全部歸降西陲大定恭
紀四章

大將飛書至番夷盡倒戈遂荒天所覆永慶海無波絕
域民安枕豐庸

帝作歌從今洗兵馬不用挽銀河

和闐成內地味蔡守戎疆瓊屬同冠帶詩書澤虎狼

坤設一府三縣
教諭各一員

葡萄俱任土錢貨亦遵

王西域重編傳搏空陋子長

釜底魂何在懸街待髑髓鴟音今已革螳臂爾何愚承

制傳封拜宣

恩大需濡

廟謨真廣運閫外亦宏圖

瀚海均霑潤瓜沙訖可休震雷開大漠解澤沛旁流頡
利千牛衛嫖姚萬戶侯懸軍何用守

聖德在懷柔

哭莊仲醇

一語驚魂斷君才乃天亾皇天胡太忍白日爾空長身
世何滋味平生遂渺茫更無雙淚灑心死對穹蒼

登滕王閣

是日得仲醇函問

千秋高閣韻江邊九日登臨意惘然地下才人埋蔓草
天涯淚眼濕寒烟西風渺渺傷心雁流水滔滔送客筵
不見紅顏生羽翼玉臺何處覓神仙

重有作贈翁覃溪

長江一任古今流，勝蹟惟供我輩遊。
座上少年誰作賦，閣中帝子不關愁。
笙歌曠代今宵月，詩酒當前異日秋。
世事儘隨星物換，閒雲只在此樓頭。

甲戌諸子過寓小敘卽席賦贈

剪燭鋪茵席開樽，雜管弦異鄉珍。
此會別緒愴當年，初月明歌袖。
殘星照舞筵，蕭蕭門外馬投箸。
意湛然。

別翁覃溪

馬首忽南北，羈懷恨自分。
客愁越溪水，我夢楚山雲。
寒月明同照，征鴻響獨聞。
詩情還得似，楓葉各紛紛。

別甲戌諸子

離別因何數翻緣相見多清尊莫惆悵白日未蹉跎風
雨雲山合詩篇夢寐過吾曹存意氣不必怨驪歌

安仁縣

縣尹潘君名廷慶

潘尹安仁縣花封紅葉村疊渠安碓磴鑿石作墻垣禾
黍家家滿雞豚處處繁怪來淳朴趣前路入桃源

在萬年縣

與安仁
接壤

白雲寺

去草坪五里先祖曾宿此時有定澈和尚頗精戒律今已死數十年矣

昔年留祖澤禪榻白雲深松竹無冬夏巖泉自古今碧
紗尋舊字紅葉變新林往日寒山語惟餘谷鳥吟

舟發常山

一洗征塵淨清溪白板船天寒沙雁少風定渚花偏暗

覺峯移影潛窺樹隔烟平生雲水趣此日倍悠然

四十初度

聖賢所責備每以四十加有聞在德業豈惟名爵誇在
顯無足述彌益叢垢瑕義和馳風輪詎肯停日車忽忽
已若彼悠悠更何嗟吾知旣無盡生亦豈有涯俯仰千
載間至人道恒奢勿以竹上書同爲鏡中花努力方自
此誰謂暮景斜

舟中夜雨

秋風吹雨滿江城灑入舟中伴夜行一枕未成烟水夢
蕭蕭聽盡打篷聲

下灘

客程爭高灘日夕去不息白雲本無心同我寸情急潺
潺鳴未已渺渺逝安適俯仰今古間百年真頃刻胡爲
隨風波坐令老顏色蓑笠可逍遙修名恐不立

雨中舟行

濛濛山雨合一葉下空江樹轉遙分岸雲來不滿雙背
風窗啟幔避積棹移樁舊路依稀認烟迷七里瀧

過衢州

落日碧溪淨開帆暮雨晴西風如有意送我衢州城橘
實霜後熟楓林霞外明兩涯紛過錦豈直畫中行

紅樹

初日照柏林爛若紅錦織誰云二月花有此好顏色豔

欲蒸雲霞光猶照昏黑青峯相掩映朱橘共烜赫造物
富文章華彩非雕飾我欲寫秋容對此慚粉墨

二十四夜舟行作歌

白日落舵尾昏鴉噪檣頭歸心急似灘水流明燈照岸
行未休行未休避石骨從來急行患顛蹶竹竿點水試
淺深挑動繁星蕩明滅繁星明櫂謳發可惜清溪徹底
清只少東山一輪月

蘭溪舟中遇族子伯謙仲嘿俱以就婚歸今還普
安

輕舟下灘疾於鳥來檣威遲避中道鄉音刺耳聊問之
吾家南阮二年少伯謙雄駿氣有餘仲嘿瘦削神清妙

途間相遇不可識昔年見爾方懷抱南飛同賦鳳將雛
清光皎皎雙明珠蘭溪之酒天下美匆匆不及傾尊壺
嚴霜滿眼飄長途梅花信發庭前趨阿翁問我近消息
指爾綠水青芙蓉

過蘭溪

我行蘭溪縣不見赤松澗

太白詩落帆金華岸赤松若可招金華山有赤松澗赤松

子與安期生遊此

遙望金華山高空過飛雁神仙偶遊戲遺蹟

如夢幻王屋魏山人徒勞走烟棧尊前醉美酒何必慮
羈綰輕風送蘭橈興帆開半扇結此山水緣一笑寄清
盼

建德山中聞畫眉聲不絕

畫眉一微物解作百鳥聲空山誰見賞鎮日相和鳴余
性夙所愛養之滿簷楹雕籠違本性飲啄時相驚終然
類反舌甘讓三春鶯爰居魯東門豈樂鐘鼓迎世人珍
剪羽鸚鵡愁聰明所以幽獨士眷眷雲山情

七里瀧

霧霽七里瀧帆圓風正利驚濤無停流遂有千里勢兩
山合沓不及迎心欲領之浮雲征若無白日照當午倏
忽變幻愁杳冥秋禽何關關入耳猶春聲何如鼓棹下
三峽愁人但有哀猿鳴釣臺高龍嵒轉盼失尺咫又看
方干墳衰草紛披靡古來賢達能幾時瀧水東流亦如
此斯行瀟灑合有神清溪與我情相親偶持宗慤小兒

語便作列子神仙人人生快意總能爾何必別求蓬頂
離風塵

溜江灘

鱖魚不上溜江灘五月烹鮮薦玉盤記得少年親撒網
銀鱗萬个躍驚湍

桐廬縣

昔日趨庭地溪畱宓子弦霜楓飄兩岸猶認彩衣翩父
老呼公子旌麾猶少年白雲千里外因此暫畱連

桐君山

嚴陵灘外桐君山丹梯百丈舊所攀高懷喜對九秋月
海門綠淨峯巘顏隔溪橋頭坐吹笛金尊檀板紛相激

三
三
三
崖間棲鳥識我聲每聞清唱繞樹鳴白雲浩蕩結知己
忽復去之東南征東南何所有萬壑鏡中走不見桐洲
萬樹梅却採湘湖一池藕飛鴻爪雪不可求十年丹雀
棲瀛洲誰知布韞采芝處手持旌節重來遊重來遊發
長嘯桐君仙人向余笑風塵別去非年少

過杭州不及遊西湖寄懷

美人與我期三秋烟波縹緲沙棠舟西風一夜涉江去
芙蓉冷落空含愁洞門迢遞鎖寒月雲開不見金銀闕
遙從落日望清光菱花鏡面蟠螺髮寄爾竹枝歌一闕
袖裏芳蘭不終歇

泊舟錢塘望西興渡四首

艤舟錢塘江遙望西陵樹烟水去茫茫十年誰問渡
可憐西陵樹遙接龕山烟雁飛不到海散影入長天
湘湖一片月人在鏡中行別去燕山雪能無訪戴情
半年歌一枕不道剡溪雲今日隔江水誰吟持贈君

舟下武林日晚始聞吳歌得詩二首

一聲搖曳櫓聲中斷續還隨水面風此是竹枝聽不得
商飈吹雨落江楓

水調歌傳烟雨微夢中驚聽起披衣不知宿雁緣何事
一夜平沙盡北飛

過嘉禾謁香樹師

十年執業老門牆此夕初升樂順堂手與提携上階級

心酬夢想見容光別來白髮翻看少話入清尊不覺長
前路春風總相接新詩數卷付行囊

吳門喜晤安安先生夜話有作

只圖秋仲都門聚不道冬初吳下逢江國雲蹤何日定
海邦棠蔭此時濃向平心事完宜早樂廣書篇寄莫慵
我是東床老坦腹於今女婿亦乘龍

過蘇州

時十月朔日傾城士女出遊虎阜笙歌徹夜不絕

山塘極目盡荒原猶是傾城絲管繁只合上河圖裏見
不須重問鄭監門

曉發無錫以風阻夜半始抵常州

三載看雲眼難持此日情無如石尤惡偏阻余帆程咫尺

尺疑千里遲回達四更高堂猶秉燭款話及微明

抵常州接讀邸抄知將軍富等圍霍集占于拔達
山斬獲無算盡收其馬牛羊氊帳器械降其衆萬
二千人逆賊指日就平志慶

天意殲窮猷雷霆震穴中猿愁頻失木鵬急更盤風毛
血從霑土豈羅且蔽空峯頭窺井底惕息敢稱雄
嚴鼓歡聲動降幡萬二千腹心伊自潰牙爪我能前負
義無親故誅兇豈後先羣番吾赤子孰敢背

高天

夜發常州

半月團圓聚真成片刻畱老親無一語揮涕又登舟遠

樹平寒霧高城鎖急流鄉音聽漸改月落重回首

渡揚子江

出江口忽得颶風及北岸而止

平明發京口西北風正利海門早潮來忽挾高颶至舟
師急振舵蒲帆張兩翅蹴破洪漣駛若下坂騎江豚
出無時海鳥避何地船頭見金焦倏忽但浮翠烟迷南
徐城雲隱北固寺瓜步乍微茫百丈不及繫人生跼跼
步安得此快意擊楫正高歌長空罷噫氣

行次清江浦聞拔達山汗遵我

王章奉將軍檄助順陣殲小和卓木霍集占擒其兄大
和卓木逆賊已平志慶二首

王者誠無外羣番敢效尤俘來風沙衛功奏義暢侯窮

鼠甘輸首亡狐得繼卽紅旗先入告傳檄海西頭
河水經天注流歡到此間崑崙古封建援達近關山憶
自興師日於今振旅還普天徒率舞誰識
聖心艱

夜渡黃河

黃河之水天下險我來涉之澄匹練但覺戎戎岸火移
不道中流去如箭櫓聲伊軋波蒼茫水氣上接星韜光
恍然坐我越溪畔烟縈漠漠秋風涼斯行吳楚風濤壯
九江七澤浮天漲星槎坐穩溯前遊未怪蛟鼉鼓高浪

清江浦贈趙生瑛

生父名鳳吉中河同知近
以事去官將有破家之患

良玉未辭璞蘊含君子情空山無人知霄漢見精瑩持

以比佳士探作于闐行君家寶緒業舊價十五城弱冠

理毫素蒼蒼俯關荆服事瘦竹翁

張宗蒼號

筆力生蛟勅世

人重婉嬪粉澤謗娥英誰能排鴻濛眼切太古明燕徐

道三千山川莽迴滌塵中拾片紙五載勞平生

徐子燕市得生

尺幅始知其名

揭來清江濱雲色晦杳冥下馬握君手豁然睹

新晴示我滄洲卷烟波浩縱橫滄洲興何長感子夙昔

傾仙人五嶽圖對之一葉輕長淮來湯湯黃河去不平

龍門與桐柏萬里此合併與子別水上飄飄怨行旌願

子幸自愛勿爲塵俗嬰濁水一斗泥澄陂徹底清風波

多混惡中有鋸齒鯨微粟不足戀高雲可遙征當冷掃

碧落待子東蓬瀛

夜坐待申如四弟不至

坐久燭花落征車杳無聲茫茫寒山外念子獨夜行星
影阻空磴殘杯凍深更徘徊路難初識遠客情

渡沂水

沂水古清風契合聖智情於今秋汎濫頗足妨民生蘭
郊數縣間十載九不耕

聖人重民依側席咨經營春雲攢畚鍤夜雨驅蛟鯨大
支駱馬湖浩演資停泓小支六塘河約束趨東溟上智
匪穿鑿羣工告平成守土善導勸溝渠亦縱橫一洗墊
隘苦含哺飽香秔使者驅馬來處處聞歌聲男兒吹鼙
黑婦女簪花明輜車職採風樂此百室盈上頌

聖主仁下頌守宰清

羊流店懷故相國海寧陳文勤公

昔年下馬仰高吟宰相紗籠字未沉去國尙紆

明主眷還山豈遂老臣心百年華屋西州慟終古鸞書

北闕深

去歲公予告將歸
眷念老臣恩禮備至

上舊事莫題羊太傅邦人

流淚到如今

公會巡撫山東

初三夜

前月看新月牽衣拜高堂一般弓影好忽復在他鄉

望泰山

憶昔奉

帝命禋祀秩岱宗天門十八盤躡影虛無中游目縱遠

海黃河繞其東當時有遺憾未觀初日紅秦吳何茫茫
一氣超鴻濛便欲俯八極飛去蓬萊宮今來平陰道決
眼排蒼穹鐵鎖不可攀舊遊渺高空尙想翔鳳嶺白雲
走青松人生非神仙鸞鶴安得從徒吟杜老句浩然蕩
心胸

行次泰安聞大和卓木就擒霍集占逆屍旣得

王師凱旋志慶四章

萬口爭傳捷

王師蕩寇回蚩尤竿首至貳負鎖軀來膜拜皈香海鸞
弓避射臺今朝一陽動春氣滿徂徠

讀徧西夷傳焉知拔達山

六師隨驃騎萬里過陽關遂斷花門種全收蒲海還崑崙
崙更東望王母貢瑤環

史冊徵何有無前此

駿功斬鯨青海外獻馘

紫霄中干羽高虞陛葡萄陋漢宮百番齊脫劔文治與
昭融

天意符

宸策審情仰

化恬蔡功成以斷苗格受惟謙

謨烈三朝纘懷柔百祀兼軺車瞻北斗班管頌西轡

餓烏行

空原水落沙茫茫草根短短彌望黃饑鳥欲下忽復翔
毛體憔悴無精光雄飛顧雌結中腸落磬黃口鳴哀傷
口欲銜之力不將道逢南雁相頡頏共訴勞苦道路長
朔風蕭颯吹枯楊日色漸下西南岡念爾奮飛適何方
高空嚴寒多雪霜以啾唧唧夜未央

涿州道中雪霽曉行口號

嚴寒不上紫貂裘馬足無塵玉屑浮正好明朝望鵲鵲
一輪晴日照瓊樓

入都日作

買得千金駿燕臺罷載馳紅雲開

北闕白雪問南枝賸有牽裾夢重題倚幌時傾囊笑何

有百六十篇詩

茶山詩鈔卷之六

武進錢維城稼軒著

弟維屏 維喬編次

姪

錯

伯純

校字

子中銑

中鈺

庚辰

題叢蘭圖贈方問亭制府

問亭藉於得子向曾作藝蘭圖屬余題前歲中

秋方侍宴熱河而佳問適至因有得子詩四章諸公咸和余作此圖賀之

藝蘭夙有圖徵蘭旋有兆晴陔一宿彩露霏的的新葩
弄清曉桃樹何嫌結子遲江梅不必開花早主人久託
騷人辭褰裳結佩貯所思芳草初隨馬蹄遠綠羅迴憶
驚幃期一紙庭前報芳信玉叢迸透朱砂印坼薜先知

清潤姿解苞兼問平安訊寄到應同子佩珍歸來好作
孫枝認是時璧月滿中秋霓裳曲裏羣仙遊羣仙笑相
慶相慶鳳麟洲真覺能含笑休言解忘憂一時好語光
風轉三載馨香瑤砌滿分磁灌水想辛劬應有瓊芽滋
九畹九畹復百畝流芳滿江湘省中待推黃殿講階前
又茁紫都艮幽萃雅操不可和別疏新譜傳清光他時
擢秀玉墀上開圖驗取奕葉香

題德定圃松下讀書圖

白石何磊磊下有千尺松託根旣得所拔地凌蒼穹上
枝宿鸞鳳下枝蟠蛟龍霜霰何所畏鬱然葆青葱岸壠
者誰子素心企雲蹤靈笈世莫窺傳自浮邱公碧色照

古簡雙手摩青銅誰云岩壑夢不入青紫胸石鼎響解
眼濤聲與之通自適幽寂趣迴出塵寰中我欲相從遊
悵望蓬萊峯

題畫

仿雲林筆

迴溪弄寒姿木落澹蕭宇惟有雙松風并答飛泉雨幽
居跨絕澗雲卧無處所古意誰相知淨名吾與汝

九月十七夜綠雲書屋賞菊

涼月何皎皎照我桑下椽諸公何袞袞坐我竹後軒人
生有酒不同飲菊花欺人笑人醒秋光賸有此夕佳已
失團圓昨宵影三春莫羨桃李花花時此菊未有芽玉
盤金盞酬晚節誰云只數幽人家酒旣不可盡月亦不

肯斜籬邊碎碎映白露樽中爛爛流紅霞攀枝弄影好
爲樂登高已負諸公諾故園茱萸那可見天涯鴻雁遠
如約百杯莫問清霜多明朝匹馬關門過關門明月仍
相照菊花如此空婆娑高齋把酒倘相顧細嚼寒芳一
端素

題駿功從祖遺像

孤松厭片雲幽壑每深寄所以素心人對之兩相契一
聞笙竽響大得盤桓意清風洒然來水石盪空翠以此
終倘伴乘化等遊戲猗歟我從祖挺秀擢塵翳北山無
移文東臯有耕地高吟激頽風枯坐非避世衣冠儼尺
幅再拜流涕泗彷彿聞笑言披圖動潯吹

將赴熱河出都日作

壯心每飛騰半載苦闕過清秋出國門喜見原野濶青
山忽在眼爽氣入毛髮不有官程稽便欲走畿甸白雲
起懷抱風雨若飄忽天空隼羽浮路熟馬蹄渴稍過板
橋村溪流聽活活

九松山

雲分兩崖口路轉九松山碧蘚寺門古清溪幡影閒人
蹤封落葉馬蹟去雄關風際濤聲起時能解客顏

青石梁

石梁蟠幾曲裊裊入雲達谷轉風聲聚山深日氣遲神
功畱斧鑿天險壯邊陲吁駭猶今日衝泥過昔時

甲戌秋雨

此中過

出關

出關秋更暖似與暮春期
山日和烟合溪雲着樹移
黃花塞女鬢紅葉社神祠
呀嘖聲伊軋還疑下瀨時

過古北口

北門鎖鑰控巖關萬丈秦城不可攀
日射旌旗開古鎮天清宮館接常山
近郊豈必九泥固絕域于今烽火閒
試看村村簫鼓社直移塞堡在吳間

過于家溝舊寓二首

曾經兩月此棲遲
杏子青青脰幾枝
舊燕頻年相憶否
重來又是暮秋時

兩行塞柳猶當日一曲關溝似昔年七載依然舊門巷
中間人事幾推遷

追憶莊仲淳

昔年下馬灤河日正喜郎君得意遊今日空齋思舊事
故園宿草又經秋

古長城歌

礮礮乎層峯之巔睥睨聳削負不見天詰屈轆轤如螺
旋飛虹界空走蜿蜒云是上古之長城橫絕地脉包中
原燕趙及中山割據何紛然鎚崖鑿險架樓櫓虎視逐
逐開雄關秦人大呼掃六合惟有荒園處處生烽烟吁
嗟乎長城自此初斷續六國自亾非秦族尺一之符急

飛火百萬丁夫發間左側膚墮指增築之白骨技撐血
城梁一婦哭百雉摧秦入不管聲如雷且鞭萬古蓬萊
石豈意三月咸陽灰五步一堵十步一臺巉立絕壁增
崔巍鴻雁欲度不得度銜蘆側翅鳴聲哀何況猿獼狻
獼爭跳擲擎拳屈足羣徘徊東起遼左西雍涼綿陵跨
谷絡繹長但見蟠根直下滄海底迫塞蛟蜃如驅羊又
見黃河入塞繞其北奔騰歎駭墮碾碾中間六口勢翕
張一夫守之衆莫當層冰戕戕多霰霜熊羆瑟縮敢仰
望吁嗟乎長城之勢不可量金戈鉄騎徒徬徨古稱在
德不在險割漆蒸泥猶可撼遂令荒谷塗脂膏朔雪嚴
風氣悽慘藩籬北守蒙恬功扶蘇不居長安中却七百

里大漠空亡秦者胡在深宮東巡勒石志未極纒鋤棘
矜起楚澤赤龍遂斷鴻溝西函谷九泥封不得吁嗟乎
長城至此工甫畢千秋撫膺齊太息鬱鬱乎盤盤若絕
忽復連昔年揮錐刺不入於今歆倒斜陽前阿房片瓦
不可覓牧童敲火驪山泉空畱敗堞餘千年平沙彌望
無人跡荒磧迎秋草先白黃塵滿空日色寒壁壘蕭條
陣雲黑此時城下何所聞橐駝呼風矢鳴鏑豈無龜茲
曲纖手彈琵琶勸客金叵羅葡萄泛流霞長城一戍生
死隔聞歌掩面還思家關門水流鳴鳴塞月欲落城頭
烏曾照當時築城夫笛聲夜起秋雲孤行人過此皆踟
躕從來王者本無外秦人築此何爲乎嗚呼秦人築此

何爲乎

古意

黃鵠舉千里不必羽毛鮮
文采雙雄翬決起飛蓬間
醢雞守瓮中瓮中亦有天
難同芥舟客共語蒼梧烟
大椿不自立螭蛄笑千年
俯手接若木僅及洪崖肩
醉曳長庚星青空可騰翮
側聞蒼蠅聲已是大海旋

宿沙河驛王子理齋同弟過訪

清涼山下片雲移

理齋居清涼山下

立馬遙看有所思
豈意沙

河攜手夜依然
竹屋論文時
卷簾新月當
眉宇撲戶濃

霜滿別期已讓一枝難
弟得

今弟新貴

歸家好下董生帷

風甚不得見清風臺

束髮受詩書曠代仰清聖半生汨塵埃頑懦若所性託身幸

虞夏心期潔素行輶車過孤竹庶取前修証暗塵生隔手嵐氣何橫亘咫尺清風臺似捲雲中鏡空持一瓣香三復登山詠

過永平府

偏涼汀下走灤河萬堞寒雲一雁過地入盧龍推阨塞山留孤竹表嵯峨嚴更笳管邊聲壯落日樓臺海氣多射虎原頭問都尉清時無事枕琱戈

與介景菴前輩夜登南臺寺

百尺南臺上三更叩獨園雪殘星滿地松午月當門城

郭低無影鐘魚凍不喧還從朔風裏跋馬下空原

永平旅舍與何子足高夜話二首

灤水西來見客情圍爐剪燭話平生三年別緒匆匆道
不信隣雞報五更

下馬聊爲一夕留曉霜催起拂征裘此行不是清溪棹
辜負漫天作石尤

是夕大風

過山海關

全遼已作新豐沛渤海休誇第一關爲我驅除羣盜盡
更誰祈請

六師還由來勝國仁金鑑莫道述臣誤玉顏今日江山
憑覽處從東王氣鬱蔥間

拜姜女廟

一慟竟教摧百堵蕭祠終古背荒闌足知木石能填海
不必耰鋤已報秦動地波濤思涕淚廟瀕海窮天冰雪薦
蘩蘋咸陽阮盡諸生骨慷慨何曾見一人

宿望海店與介景菴前輩月下海濱踏雪作歌

瀛洲海客瀛洲來手持鐵笛吹落梅東風一背洗明鏡
歛然坐我金銀臺夜窗把酒不稱意酒底須眉生海氣
霜蹄八盞踏瓊田踏盡瓊田忽無地寒晶搖搖光拂面
銀蟾不在青天見若非扶眼盪玻璃會須走上蓬萊殿
參橫碧落夜氣空大圓始現真穹窿月光自上雪自下
非月非雪空濛濛人生此間一粟黍桑田誤盡麻姑語

誰識蒼茫溟渤邊
放眼高歌有千古
此時神仙愁鎖三
山烟瑤宮寂寂枕手眠

寧遠州溫泉

真人煮鉛九淵裏
丹砂融精作淵水
千秋瀟出首山陽
玉乳翻虹氣猶紫
塵中有客騎馬來
擬跨渤海升蓬萊
紫泥漉後兩襟污
形骸糠粃羞凡胎
春生浮澧流脂煖
碧水方塘結仙館
信有陽從地底回
恰當月自池中滿

是日十五
長至節

八尺欄干三尺泉
清如明鏡滑如涎
頻教關

塞消冰雪盡易毛
髓身冷然平生虛
署黃山史村泛桃

花未經洗

黃山湯泉在桃花村
余自號黃山外史

此夕僧寮浴罷眠
黃海

鋪雲夢中起

過松山恭紀

杏山東走松山峙白草粘天望無際斷壕廢壘指依稀

太宗昔日臨戎地明兵號稱十三萬烏合由來無關志

一將舉旗天上來

將軍楊古里率二十騎自山馳下砍大旗明兵大亂我師乘之遂擒其帥

千屯棄甲開營潰山風盪地葉亂飛大海迴潮響爭沸

驅除剗削本天心瓦解分崩亦人事乞降未始無英雄

只有監軍能死義陂陀東北舊崑臺堂堂曾豎

軒皇幟草木猶分龍虎威川原盡壯風雲氣昆陽一戰

帝業成函關未拔全秦驚中原羣盜如飛雪東海日出

乾坤晴自從歸馬銷戎兵山頭有土山農耕荒榛已沒

沙中戟殘霞久散軍門旌祖旣生孫孫有子眼前故老

非遺恨欲詢暉鳳生擒事斜陽渺渺寒烟橫大凌河水
流琤琤至今仍繞松山行停車懷古復何有穆然山水
高而清穆然山水高而清百餘年來天下平

過錦州弔周將軍遇吉

將軍隻手障金臺百戰無成志可哀賊銳快殲寧武下
降書恨煞大同來山河不盡孤臣血巾幗俱堪上將才
夫人劉氏亦以
赴戰不屈死今日疾風過故里應知猛氣未能灰

十三山

疎林影裏露烟鬢柔柔芙蓉一扇開今夜月明窓莫掩
研屏畱照十三山

廣寧歌

天兵一怒收遼陽遼陽撫臣走且僵六萬橫行作何語
廣寧城邊淚如雨經畧聞之亦投杼吁嗟豪傑奈何許
經略走大獄起木函頭顱走千里經略不走亦必死殺
之乃殺六君子封疆門戶紛如麻李花不開不得止休
爲關門寃莫已不見長城萬里東莞公勤王有詔礫市
中

望醫巫閭

北鎮雄幽州肇封自虞帝辨名紀職方百代崇秩祀配
同五嶽尊爵視三公貴精禋蒼盼蠶降福康

至治使臣奉

玉牒怵惕飭車騎冰雪避清塵嚴冬靄春氣恭惟名山

霽襄此

大典備况聞歲普登皆是

神所賜握衣擬瞻拜道里限職司巖巖欽在望濡翰頌
喜瑞名勝載圖經瑣細敢褻記

宿二道井夜讀金蘊亭先生詩

千古知音能有幾一生落拓豈無情不知寂寂秋墳裏
聽否人間夜讀聲

讀太白集三首

極天風色接昏黃客館塵沙暗燭光靜夜忽開冰雪卷
碧空如洗落寒霜

神仙想像住瑤京碧海青天是寸情雲際樓臺看不見

月明吹墜鳳簫聲

縱教鳳管度伶倫記得塵寰識曲人一聽靈璫天外響
不知身是世間身

至瀋陽城

神臯沃衍開天府萬古

陪京控北藩水合三江朝大海山分兩戒抱中原

長白山爲

中原龍脉之祖混同黑龍鴨綠三江皆發源於此 幽邵舊識民風古豐鎬同瞻

帝業尊誰詔研都能作賦高懸日月有

主言

恭謁

福陵

萬水朝宗盛

興皇應海濱何須階尺土遂與奠蒸民開闢三江大規
橫百禩新艱難思締造

松路獨沾巾

恭謁

昭陵

中原未混一薄伐到淮濱有截歸

皇武無憂仰

聖文玉衣天闕闕

至今有尊藏
御用冠袍

石馬夜深聞

所乘二白
馬刻石

上陵

隆業

山

青蔥氣遠連五色雲

太祖

每行軍上輜

存五色

雲與天柱本一

山太宗繼體貴
太祖開創同

山市歌

于公向我誇海市忽忽蛟螭蟠眼底幾年不信瀛洲談
今見山中市起醫無閭外遼水陽宿霧乍霽天蒼蒼
馬頭突兀萬峯聳雲氣吞吐時飄颺山根雉堞隱盤屈
中有樓閣森飛翔依稀幡塔認古寺雜沓車馬知康莊
豁然呀呷開大澤宛轉長虹卧百尺洲渚微茫接遠天
菰蘆蕭瑟搖空碧須臾晴旭上高空漠漠寒原杳無跡
疑是神風海上來煙波吹斷蓬萊客我觀山市一刹那
市中觀我還如何百年歲月瞥眼過塵寰擾擾何其多

宿別山

邊月隨人入近關
勞勞亭畔馬難閒
西風吹徧長堤柳
又送行程到別山

渡三河

征裘擬奈曉霜何
不道晴風拂面多
誰說流澌方臘月
一渠春水渡三河

題張玉川小像

雲山一繪事襟抱此焉寄
自非磊落人豈解煙霞味
君家白雲溪逸客有夙契
晚遇瘦竹生出藍乃殊異
精祛筆墨痕造物與霑氣
初如搏象兎全力破餘地
旣如超聲聞妙悟脫半偈
江湖千頃波山嶽萬重翠
自然盪心胸不用勤位置
時流羣避席前哲遙把臂
緊余筆力弱

同能謝高繼七日乞秦師一旦拔趙幟畏君題君圖聊
以志所志

辛巳

題小桃紅

似碧桃出瀋陽

鳳凰山畔綠蒙茸二月東風作意工麴米春中花事好
滿城聽唱小桃紅

和野園宗伯卧雲樓卽事原韻

秋山碧似剝春葱影入樓窗面面同詩酒生涯原淡泊
烟雲供養亦珍豐雁聲怕聽連宵雨月色欣披一檻風
我住南崖最高處卷簾應見夜燈紅

題張秋芷年非圖

流光滔滔棄人去身如泛舟不得住風頭若說昔年非
今日如何爲是處丈夫生世非偶然要以一日爭千年
功名豈卽爲身累空費白日山中眠山中少年只如此
清流百尺終見底苟無松柏歲寒心也與浮雲同化水
君今職司爲納言出納惟允望所專論年與我才長一
慎勿撫首懷邱園誦君句把君圖與君白首同勉諸清
泉白石何足娛

星齋前輩感疾投以方一服而愈以詩見謝次韻
奉酬

爲愛餘閒得靜頤故教高枕對窗支可知弗藥原能喜
不必通儒乃作醫客況詎宜愁裏過秋陰須遣醉中移

維摩只少天花墜乞乳還應問本師

余時方苦胃病故戲及之

塞山秋月歌

中秋夕作

塞山雨洗天益高玉輪光滿明秋毫
谷深市遠寂不驚
茫茫露氣澄虛濤人間此夕是何夕
嫦娥亦愛中秋節
不然霧雨暗連宵何事今宵獨清絕
碧海幾萬里誰能
跨長風關山渺何許霜雁鳴寒空
高懸明鏡照紅蕖
美人子夜應同此趙瑟秦箏且莫彈
玉蟾卽是嬋娟子
玻璃酒盞蒲萄紅
高歌一曲漏未終
還思瓜餅樓中望
秋月香煙漠漠塵濛濛

自題畫卷

秋山易爲雨不礙筆底晴
疊嶺起墨池肯許纖雲生
陽

崖白日暖陰壑青杉榮列屋夾江潁疑是嚴陵城平生
所遊歷暗與興會迎放筆忽一笑檐外虛嵐清

石片子

凌晨發石片萬馬爭一柵倉猝防顛危喧呶蕩心魄顧
於倥偬中忽得神仙宅白雲界虛嶺丹葉綴秀壁回迂
羣峯奔盤轉一磴窄澗急不擇地崖傾欲墜石造化無
偏頗幽竒孰開闢何當邀安期結屋鍊金液

重九日作

是日過樺皮嶺宿松岩

樺嶺層陰向曉開松岩積翠撲空來風清古塞千屯合
日落平原萬馬回秋入壯懷逢令節吟隨遠目上高臺
和門聽唱題糕句何似籬東醉菊杯

岳樂

逕轉白雲裏坡陀入蒙茸岡巒相起伏草色粘天空峻
嶺忽拔地擢擢青芙蓉秀眉出初沐黛色含烟容翠鳳
舒翅尾蒼虬走穹窿疊壁儼藻繪青松間丹楓仙人如
可招笑語流天風尤物乃蘊毒大澤生蛇龍牙爪阻深
穴盪滌醢

神功

巖有虎穴王申秋
圖殘以神鎗刻石爲記

上行

至今巖翠香無復腥血

紅歇馬坐石角一洗塵埃胸粉本漫刻畫絕代難爲工

余奉
命繪圖

鄂爾楚克哈達

何年巨靈斧劈此兩崖開雷雨翠屏裂風雲鳥道回到

天峯色盡劃地水聲來欲去無人跡蒼松閉古苔

庫庫英圖 亦名鵬窩

奇境必絕險懸崖一千丈陰森排層空白日寒不上走
馬踏落石聲應四山響勢若將搏人俯首安敢仰飄飄
雙飛鵬育子自來往我無凌風翮對此徒悵悵

卽事

萬里塞空淨三更夜氣寒營門一片月獨對雪山看

僧機圖 僧機譯言洞也

翠峯何巖岼巖側卧斜月隔岫遙見之半爲蒼烟沒洞
門常不掩清嘯有時發天風從中來吹我數絲髮美人
面一鏡萬古照雲窟迢迢白石梁去去玉京闕飛仙不

相待高鳥逝飄忽悵望青松枝白雲杳難越

題畫

烟磴如螺紋盤盤入空翠飛流從中來崖口屹相對洞
門開窈窕蘿徑一何邃惟有無心雲時與飄風會結屋
者誰子兀坐耽靜寄萬壑多樹聲千岩一秋氣塵寰自
紛紜仙路匪迢遞緬彼黃鶴樵千秋倘相契

伊瑪口

白草哨門盡青林柵口連欲知秋近遠只隔柳條邊

喀喇河屯

曉發灤陽墅

旌門極望宜雨邊風葉定雲外雪峯移鐸語通林遠炊

烟出屋遲輕寒最相得已盡暮秋期

過王家營

曲徑與山窄危欄若俯空溪喧初過雨雲定未來風古
寺茶香熟遙邨樹影通不緣泥滑滑應惜馬匆匆

壬午春帖子三首

南國

盤初啓東郊仗甫陳陽和先一日梅柳滿江春

初登長春

寶籙開

璇宮頻進萬年杯河圖生數從壬起天幹今週第八回
瑞雪霏霽粉玉塵田家荷耒及新春開年早識豐登兆

正月中旬是甲寅

壬午

題金又良四丈撫松圖

時又良請假歸太倉

淵明去彭澤託興懷孤松公方富行業何事尋其蹤
威鳳煥丹彩白鵬矜素容無爲幽礪泉勝此高岡桐
柴門信清幽杉竹紛蒙茸解帶亦浩浩投簪太匆匆
離筵整七絲揮此松上風自厓我將返悵望南飛鴻

題宋母沈太夫人遺像

飄風無時木鮮寧枝哀哀棘人念此母儀一庭有紫荊
四世其榮兄弟之翕室家之平二白華英英惟筐藚之
勗爾仁心母氏訓之三梧桐之枝其節變兮好是式穀

無悲鮮兮

四

湯湯者波孝子之志何以繼之孝子之事

五

飄風五章章四句

題畫

碧山白石百年心塵外幽居阻且深一片野雲收不住
又隨落葉到空林

題三分水二分竹圖

圖爲笏山同年作笏山寓汪文端快雪時晴齋

水竹平分一草廬由來懶性愛幽居不知晴雪池頭水
可有吳淞縮項魚

題東山師仿陸天游畫冊三首

天游多逸趣往往寄雲泉曠代東山客同吟秋水篇扁
舟垂柳外野屋小橋邊料得拈毫處鄉心正渺然

七里嚴陵瀨清流接富春溪山自平遠雲樹各鮮新
一棹此中去落花何處津懸知人外賞所得是天眞

避暑山莊直廬補畫梅竹因題句

昨歲直

山莊珍館慶新闢時承司農命

金沙于公

繪此一丈壁心許

已一周遂與詩債積東山董夫子豪舉先命筆雷雨天
外來龍蛇眼前擲橫空只一掃拔地欲千尺目奪森巖
姿驚遽頓避席低頭拾墨瀋屑填紙隙仰託君子林
敢詡高士格清風有同調好月與俱得髯翁丈人行情
賞庶不隔同結烟霞賓往棲神仙宅蓬山最高頂寶露
寫靈跡送送鸞鳳儔今爲自崖客揮手真凌雲獨處非

傲雪披圖倘相思千里同于役

題聽濤圖

何來萬壑聲颯爾起卷素疎風
曉晴烟寫此天上露披襟暢清
詠響蒼空外句浩蕩太古心山
深靜如晤

送楊謙山同年歸吳門二首

海鶴不羣遊霜天有遐心西風
飄一葉直下吳雲深之子出瑤
闕十年彈素琴由來美人曲寂
寞太古音豈惜知者寡并傷華
髮侵爰居魯門東鐘鼓非所欽
自發季鷹嘆不徒莊舄吟我有一
明鏡挂在梅花林凌寒思共語
應向湖邊尋

蘇耽自欲歸挾彈何爲者握管
賦北堂神仙亦風雅塵

顏苦相送尊酒汗流赭去去挽鹿車椎髻自瀟灑
催吳波秋色徧薊野微懷若明月素手不盈把天外一行書付與南鴻寫

雙有亭前輩見索畫扇因作梨花折枝以贈并題
二首

已過穿針節還徵團扇吟炎涼知我少懷袖倚君深
蟬翼輕如拂螢光度可尋閒階天似水風入素琴心
小玉臨風數泥金欸字真還憑烏鵲語報我梨花春
妬莫猜青女涼宜起白蘋惟應掩餘笑長此奉芳塵

題畫二首

芍藥

一枝帶露摘豐臺應是揚州分種來今日寫從牛女節
瓜梳筵上殿春杯

芙蓉桂花

滿天秋色逐人來不是山隈定水隈金粟叢中覩紅粉
還疑天女散花臺

題望雲歸棹圖

潞水兮悠悠泛桂楫兮棠舟公子歸兮何所乃在秋風
烟雨之高樓雲渺渺兮乍起山之重兮千里弄柔波兮
委蛇坐長空兮如綺冠切雲兮珮華髮撫霜削兮璀璨
文非不知雲雷之發予肘兮又澹澹而不有也木葉兮
紛飛鞠之華兮東籬停子權兮桂渚懼落英之吾欺朝

發兮析津夕濟兮揚子攬芙蓉兮滿江班予袖兮羈靡
酌金卮兮蘭醕荃胡爲兮不顧錦帆迅兮雲流悵空津
兮薄暮

題金蘭臯遺像二首

蘭臯爲檜門總憲季父檜門幼孤視如己子檜
門貴陳情贈光祿大夫都察院左都御史

積慶傳猶子推恩勳

大君五章虞典在萬石漢京聞嚴岫一生總詩書百口
分家聲振江左金石有遺文

夙忝葭莩末

余爲金氏婿

通家好復敦

檜門子忠濟爲子甲戌所取士

未能

陪一老且得友諸孫白嶽精靈聚黃山氣象尊豈緣邱

壑重因識畫圖存

奉

命視學浙江

恩許便道歸省恭紀

北闕辭仙仗西湖試綵衣寸心江上草

天意日邊暉玉尺捫心愧金門屈指歸還持素絲節并以報庭闈

過涿州

天意有凋殘惟

聖與同幹今夏大霽潦平地流活活惜哉麥已秋到手不及割

至尊憂瘡痍賑貸一時發截漕七十萬捐帑幾千鎰餓
骨應充膚枯鱗豈肉沫驅車過涿郡屋倒牆垣豁荒村
絕少人況乃無單褐

朝廷沛恩意溝塋期畢活饑溺厘一夫
恩膏戒勿遏告爾守土官無俾遠逃越

夜過油閘

歸客如征雁宵深尙渡江月寒關未啓霜氣滿蓬窗

夜渡揚子江

不寢催征棹霜風瓜步寒潮聲入夜靜月色到江寬山
近帆邊識燈從霧裏看蓬窗一壺酒消得五更闌

抵杭州

喜與湖山尋舊約更緣文字結新知分題詩句畱東壁
入夢梅花繞北枝某水某邱童子事一琴一鶴老人思
平生未踏蠻門路愧擁臯比作主司

小有天園

平湖不受雪四面雲螺青松風知我意吹上南山亭座
眼豁明鏡晴光開翠屏巡檐索梅蕊喜綻一星星

登萬松嶺

虛濤萬派來窗前尋聲不覺登山巔隨風一放萬里眼
江湖左右搖空天白雲散亂不可紀人家只在烟波裏
浩蕩真同汗漫遊徜徉獨莽逍遙旨海門東望開鴻濛
金銀宮闕縹緲中此身來自三山路仙舟自返非神風

車塵馬足二十秋，巖泉如約仍前遊。松風舒嘯非我謀，未得高卧南山頭。

對雪和莊似撰甥

寒雲沉沉低不起，西湖水花滿空裏。三更擁絮夜氣嚴，竹葉無聲北風死。蠡窗朝明疑日光，疎簾未捲入我堂。銀晶晃漾眩欲舞，不覺興與俱飄揚。霏烟洒屑浩無際，作意盤旋難到地。咫尺全封籬外蹤，迷濛莫寫空中勢。迴憶深秋初出關，馬蹄蹴踏曾冰間。瑤峯萬疊一瞥眼，飛鴻又落三吳山。人生飄忽不可常，安得策蹇隨襄陽。千巖徑絕會孤往，一俯江海心茫洋。清酒百榼且慢舉，陽春一篇先和汝。明朝聯轡踏瓊田，好探西溪十萬樹。